

薩曇分陀利經

僧祐錄中安公失譯

鳳三

聞如是佛在羅閱祇者閣崛山中與大比丘衆四萬二千人俱三慢陀飄陀文殊師利菩薩等八萬四千人弥勒菩薩等拔陀劫中千人靜王等與忉利諸天不可復計梵王與諸梵不可復計阿闍世王與閻浮提人王衆多不可復計佛在四輩弟子比丘比丘尼優婆塞優婆夷中說薩曇分陀利漢言法華佛說無央數偈是時七寶淨齒涌從地出上至梵天浮屠中央有七寶大講堂懸幢幡花蓋名香清潔姝好講堂中有金牀牀上有坐佛佛字抱休羅蘭漢言大寶歡釋迦文佛言善哉善哉我般泥洹以來過恒邊沙劫恒邊沙佛剎止於空中恒邊沙佛以過去我歷余所劫初不還彼剎我見釋迦文佛精進求佛道用人民故布施無厭足不惜手不惜眼不惜頭不惜妻子象馬車乘不惜珍寶無有貪愛心我故

來出欲供養釋迦文佛并度諸下劣願釋迦文佛坐我金牀更說薩曇分陀利經於是釋迦文佛上講堂就於金牀而坐便說薩曇分陀利經復說無央數偈言

聞藥寶佛知名字者不畏生死不復勤苦於是釋迦文佛說無央數阿僧祇劫復說無央數阿僧祇劫我行菩薩道時求索薩曇分陀利經布施與人在所求索飯食衣被七寶妻子初無愛戀心我爲有國王時是世極長壽我便立太子爲王棄國事撾鼓搖鈴自銜身言誰欲持我作奴者我求索薩曇分陀利經我欲行供養時有一婆羅門語我言與我作奴來我有薩曇分陀利經我便隨婆羅門去一心作奴汲水掃地採華果飲食婆羅門千歲不懈息佛於是說偈言

撾鼓搖鈴願 自銜言誰欲 持我作奴者
我欲行供養 奴心善意行

佛言是時王者我身是也時婆羅門者調達是誰恩令我得滿六波羅蜜者三十二相八十種好皆是調達福恩調達是我善師善師恩令我得滿六波羅蜜三十二相八十種好威神尊貴度脫十方一切皆是調達恩調達却後阿僧祇劫當得作佛号名提和羅耶謹

風華錄
天佛當得十種力三十二相八十種好天王佛國名提和越漢言天天王佛當爲人民說法盡劫不懈止第一說法當度恒邊沙人得羅漢道恒邊沙人得辟支佛道恒邊沙人發阿耨多羅三藐三菩提心余時天王佛壽二十劫乃般泥洹後法住二十劫天王佛般泥洹後不散舍利起作一七寶塔廣六十里長八十里一切闡浮人悉往供養佛舍利是時無央數人得羅漢道無央數人發辟支佛心無央數人發阿耨多羅三藐三菩提心善男子善女人聞是法華之經信不誹謗除滅過去當來罪閑三惡道門開三善道門生天上

常第一生人中常第一生十方佛前自然七寶蓮華中化生於是下方佛所從菩薩名般若拘自白其佛早還本土釋迦文佛謂般若拘我有菩薩字文殊師利可與相見乃還本土即時文殊師利從娑竭龍王池中涌出坐大蓮華華如車輪其華千葉從諸菩薩其數甚多文殊師利下大蓮華爲二佛作禮還與般若拘菩薩相問訊般若拘問文殊所入池中度云何數多少文殊答曰其數甚多無能計者若當口說非心所信自當有證其他即時涌華從下而出盡是池中一切所散本發菩薩心者其華在空中但說摩訶衍事本發聲聞者其花在空中但說斷生死事文殊師利見華如是以偈荅般若拘菩薩言以仁者之意自分別其數般若拘菩薩復問文殊師利說何等法所度乃爾文殊答曰於是池中但說薩曇分陀利般若拘復問其法甚尊無能及者爲有便可得佛者不文殊答曰娑竭

龍王有女年八歲智慧甚大意願不輕便可得佛般若拘菩薩謂文殊師利言我見仁者之師求佛勤苦積累功德劫數甚多不信此女便可得佛池中有女即時涌出遶佛三匝以手而白佛言佛相好端正功德巍巍為諸天所奉為一切龍鬼神人民薩和薩所敬所說法甚尊今我立願便欲得佛舍利弗即謂女雖發是願佛不可得又汝女行積功累行未應菩薩女自持一摩尼珠其價當一大國女疾過與佛佛亦疾受女謂舍利弗及般若拘菩薩我與佛珠為遲疾答曰甚疾女復言佛受我珠為遲疾答曰甚疾女言我與佛珠為遲佛受我珠復遲我今取佛疾於是即時女身變為菩薩衆會皆驚即變為佛身三十二相八十種好皆具足國土弟子如佛所為一切衆會天龍鬼神無央數人皆發無上正真道意三千大千國土六反震動三萬湧陀洹得阿惟越致

風三